

REGLAMENT DE PARTICIPACION CIUTADANA

Indèx

PREAMBUL

CAPÍTOL I. DRETS DE PARTICIPACION DES CIUTADANS

Article 1. Dret ara participacion

Article 2. Dret ara informacion

Article 3. Dret de peticion

Article 4. Dret d'audiència

Article 5. Dret ara iniciativa ciutadan

Article 6. Dret a presentar planhs, reclamacions e suggeriments

Article 7. Dret d'intervencion enes sessions publiques municipaus

Article 8. Dret ara consulta populara o referendum

Article 9. Dret a ua politica municipau de foment des associacions

Article 10. Dret ar accès e ara utilizacion des tecnologies dera informacion e dera comunicacion.

Article 11. Dret de reünion

Article 12. Promocion efectiva des drets de participacion

CAPÍTOL II. ERA ORGANIZACION MUNICIPAU

Seccion prumèra. Sistèmes d'informacion e comunicacion

Article 13. Eth servici d'atencion ciutadana

Article 14. Era plana web municipau e eth corrèu electronic ciutadà

Article 15. Es miejans d'informacion locaux

Article 16. Carta de servicis e guida de tramits

Article 17. Ampliacion des tèrmes enes procediments administratius

Seccion dusau. Era audiència publica

Article 18. Era audiència publica

Seccion tresau. Eth Registre municipau d'entitats

Article 19. Eth Registre municipau d'entitats

Seccion quatau. Sistèma de defensa e proteccion des drets ciutadans

Article 20. Sistèma de defensa des drets de participacion ciutadana

CAPÍTOL III. ORGANS DE PARTICIPACION

Article 21. Caractèr des organs de participacion

Seccion prumèra. Eth Conselh dera Vila

Article 22. Definicion

Article 23. Foncions

ORGANS E COMPAUSACION

Article 24. Organs deth Conselh

Article 25. Era Presidència

Article 26. Era Vicepresidència



Article 27. Eth Plenari deth Conselh

Article 28. Compausacion deth Plenari

Article 29. Designacion membres deth Plenari

Article 30. Pèrta dera condicion de membre deth Plenari e substitucions

Article 31. Amassades deth Plenari

ORGANIZACION E FONCIONAMENT

Article 32. Periodicitat des sessions

Article 33. Convocatòries

Article 34. Regim des sessions

Seccion Dusau. Eth Conselh d'Elèctes

Article 35. Eth Conselh d'Elèctes

Seccion Tresau. Es Conselhs sectoriaus

Article 36. Es Conselhs sectoriaus

Article 37. Compausacion e foncionament

CAPÍTOL IV. FOMENT DES METODOLOGIES PARTICIPATIVES

Article 38. Definicion de procès participatiu

Article 39. Utilizacion de metodologies participatives

DISPAUSACIONS ADDICIONAUS

PRUMÈRA

DUSAU

TRESAU

QUATAU

CINCAU

SIESAU

SETAU

UEITAU

DISPAUSACIONS TRANSITÒRIES

PRUMÈRA

DISPAUSACION FINAU

PREAMBUL

Er Ajuntament de Vielha e Mijaran presente en aquest document eth Reglament de Participacion Ciutadana deth municipi. Aquest Reglament recuèlh eth conjunt de normes que regulen es possibilitats de participacion dera ciutadania enes ahèrs collectius e concrèten es compromisi der Ajuntament entà potenciar ua administracion basada ena proximitat e era transparéncia coma valors fonamentaus. Atau donc, eth Reglament de Participacion Ciutadana vò esdevier ua garantia deth respècte e defensa des drets individuaus e collectius e resulte ua mòstra clara dera voluntat der Ajuntament de Vielha e Mijaran d'apregondir e melhorar era qualitat dera democràcia locau, damb eth foment dera participacion dera ciutadania enes ahèrs publics coma pèça clau.

Era proximitat ei ua des caracteristiques mès importantes des Ajuntaments que la diferéncia dera rèsta d'administracions publiques, causa que les permet conéisher d'apròp es problematiques e rèptes de cada municipi ath temps que les balhe era oportunitat de cercar solucions efectives.

Era rapida evolucion dera nòsta societat a portat a qu'es dificultats e rèptes s'agen multiplicat e cada viatge siguen mès complèxes. E ei pr'amor d'açò qu'er Ajuntament non pòt actuar solet e a de besonh era participacion dera ciutadania. Ua participacion qu'a de servir entà implicar-se en municipi e tà que se prenguen es mesures que melhor poguen contemplar es sòns besonhs e opinions.

Eth Reglament de participacion ciutadana manifèste eth compromís der Ajuntament de hèr efectius es drets inherents ara condicion ciutadana, coma son eth dret ara informacion, eth dret de peticion, de prepausa, de consulta e d'iniciativa ciutadana, eth dret a èster escutat e eth d'intervenir enes plens municipaus e en auti organs territoriaus e sectoriaus.

Aquest compromís municipau, concebut de manèra dinamica, oriente era voluntat de crear e consolidar un sistèma de participacion adequat ara democràcia locau de proximitat que reforce eth dret constitucional ara participacion enes ahèrs publics proclamat en article 8 der Estatut d'autonomia de Catalunya e en article 23.1 dera Constitucion. Per çò, e en compliment deth mandat der article 70 bis apartat 1 dera Lei 7/1985, reguladora des bases deth regim locau, er Ajuntament met a dispausacion dera ciutadania toti es esturments normatius e materiaus ath sòn abast.

Cossent damb çò qu'establís es articles 69.2 dera Lei 7/1985 e 154.2 deth TRLMRLC es formes, es mieis e es procediments de participacion que s'establís en aquest Reglament non pòden en cap cas amendrir es facultats de decision que corresponen as organs representatius. Era participacion ciutadana ne suplís ne anulle es mecanismes de representacion politica, les complemente e serví entà apropar es governants e es foncionaris as ciutadans e entà enriquir es decisions des elèctes damb un contacte mès dirècte e estable damb es aspiracions e es necessitats dera poblacion.

Atau donc, damb aquesti objectius, se presente aquest Reglament, que conten es critèris qu'organizen eth Conselh dera Vila e eth Conselh d'Elèctes, en tot regular-ne es sues foncions, composicion e foncionament, entà que siguen un espaci de dialòg, qu'amasse perspectives, que bastisquen complicitats e fomenten era corresponsabilitat e eth trabalh en hilat.

CAPÍTOL I. DRETS DE PARTICIPACION DES CIUTADANS

Article 1. Dret ara participacion

Totes es persones an dret a intervier ena gestion des ahèrs dera vida publica, dirèctament o per miei d'associacions ciutadanes, en tot utilizar es organs, eth procediment e es canaus de participacion establidi enes leis e en aquest reglament.

Article 2. Dret ara informacion

1. Totes es persones an dret a recéber era mès amplia informacion des activitats municipaus, accedir as archius publics e utilizar toti es mieis d'informacion generau qu'establísque er Ajuntament.
2. Er Ajuntament facilitarà er exercici d'aquest dret e divulgarà es normes, es acòrds e, en generau, es accions municipaus dera forma mès simpla e apropiada entà que poguen èster coneishudes pes ciutadans.
3. Er Ajuntament establirà es canaus d'informacion generau que siguen de besonh entà atier es demanes d'informacion, damb es uniques limitacions que s'establísquen pes leis, especiaument es que hèsquen referéncia as drets de proteccion dera infancia e ara joenessa, ara intimitat des persones o ara seguretat ciutadana.

Article 3. Dret de peticion

1. Totes es persones an dret a hèr peticions o sollicituds ath govèrn municipau en matèries dera sua competéncia o demanar aclariments sus es actuacions municipaus, sense mès limitacions qu'es establides pes lleis.
2. Es peticions poden incorporar suggeriments o iniciatiues e se presentaran ath deuant deth Servici d'atencion ciutadana. Tanben se poderan realizar de forma presenciau o telefonica o adreçar-les per quinsevolh des mieis electronics o telematics establidi per Ajuntament.
3. Es peticions auran d'éster rasonades, exceptat aqueres que se referisquen ara obtencion de còpies e certificacions d'acòrds municipaus e des sòns antecedents. En toti es casi s'a d'acreditar era condicion de part interessada en procediment e s'a de deishar constància documentau que demòstre era identitat deth peticionari e der objècte dera peticion.
4. Er Ajuntament emeterà arrecebut dera peticion, en un tèrme maxim de 10 dies, e l'admeterà a tramit, exceptat qu'existísque insufisença ena acreditacion deth peticionari. En aquest cas calerà balhar un tèrme de 10 dies entà esmenar era manca d'acreditacion, transcorregut eth quau s'entenerà per desistit en procediment. Quan era peticion age un tramit administratiu especific s'aurà d'actuar en conseqüéncia. Era non admission per quinsevolh auta causa serà objècte de resolucion motivada en tèrme de 45 dies, a compdar des deth següent ara data de presentacion dera peticion.

5. Er Ajuntament balharà responsa ath peticionari en tèrme de temps mès brèu possible, damb un marge màxim d'un mes, informant, s'ei eth cas des mesures que s'an prenut ar efècte o des actuacions previste entà adoptar-les. En cas que non sigue possible balhar ua responsa en temps establìt, er Ajuntament ei obligat a informar des motius deth retard.
6. Eth tèrme ath que se referís er anterior paragraf se pòt prorrogar, s'ac justifique eth volum o era complexitat dera informacion requerida, enquia un tèrme igual ara mitat der iniciu. Era prorròga e es causes que la motiven an d'éster comunicades ara interessat.

Article 4. Dret d'audiència

1. Totes es persones an dret a èsser escotades ena tramitacion des procediments o ena realizacion d'actuacions municipaus enes quaus se manifèste un interès legitim.
2. Damb independéncia dera possibilitat d'accedir ara tramitacion des expedients administratius (cossent damb çò qu'establís era Lei 39/2015, deth regim juridic des administracions publiques), aquest dret se pòt exercir per miei de convocatòria municipau, a iniciativa der Ajuntament o coma consequéncia d'ua prepausa ciutadana, ja sigue entà tractar ahèrs d'interès particular o generau. En aquest darrèr cas s'aurà d'estar ad aquerò que s'establìc en article 18 d'aquest Reglament.

Article 5. Dret ara iniciativa ciutadana

1. Era iniciativa ciutadana permet a quinsevolh persona promòir accions o activitats municipaus e, en concret:
 - a. prepausar era aprobacion de projèctes o reglaments enes àmbits competenciaus pròpris.
 - b. prepausar ahèrs a includir ena orde deth dia deth Plen municipau.
 - c. sollicitar der Ajuntament que pòrte a tèrme ua determinada activitat d'interès public e sense generacion de beneficis e es sollicitants se comprometen a aportar mieiis economics, béns, drets o trebalh personau entà arthenhé'c.
2. Entà formular es iniciatives referides en paragraf anterior aurán d'éster subscrietes per un minim deth 10% des entitats inscrites en Registre municipau d'entitats, es quaus auran d'acreditar era sua volentat, per miei de certificacion der acòrd dera assemblea en què se decidic. Igualment ac poderà sollicitar quinsevolh vesin deth pòble damb eth supòrt d'un numerò de signatures non inferior ath 15% des abitants empadronats majors de 16 ans. Aquestes iniciatiues aurán d'éster tramitades segontes er article 70 bis apartat 2 dera Lei 7/1985, de 2 d'abriu, reguladora des bases deth regim locau. Er Ajuntament facilitarà un modèu entà presentar-les a on s'aurà d'indicar, damb era major claretat, era prepausa que se hè en tot argumentar, s'ei possible, es motius que l'aconselhen. Er escrit a de contier, en tot cas, nòm e cognòm des persones signants, domicili, DNI e signatura.

Article 6. Dret a presentar queishes, reclamacions e suggeriments

1. Totes es persones an dret a presentar queishes, reclamacions e suggeriments respecte dera activitat municipau e des servicis publics locaux, sense perjudici deth sòn dret a interpausar es recorsi administratius o jurisdiccionaus pertinents. Es miejans de presentacion de queishes, reclamacions e suggeriments seràn es establidi en article 3 d'aguest reglament. Tanben se poderan installar boètes de suggeriments en aqueri equipaments municipaus que, pes sues caracteristiques, ac hèsquen convenient.
2. Er Ajuntament regularà es procediments entara defensa des drets ciutadans e, s'ei de besonh, era creacion deth Síndic municipau de grèuges, d'ua Comission especiau de reclamacions e suggeriments o de quinsevolh auta institucion avienta.

Article 7. Dret d'intervencion enes sessions publiques municipaus

1. Totes es persones an dret a intervier enes sessions publiques deth Plen d'acòrd damb es prescripcions següentes:
 - a. Er ahèr objècte dera intervencion aurà d'éster dirèctament relacionat damb aute o auti inclodidi ena orde deth dia dera session.
 - b. Era intervencion s'aurà de sollicitar ara Alcaldia per escrit o per miei, cinc dies abantes deth dia dera realizacion dera session.
 - c. Era Alcaldia poderà denegar era intervencion, especiaument s'ei un ahèr sus eth quau er Ajuntament non a competéncies o se dejà s'a presentat en ua auta session en un tèrme anterior de 6 mesi.
 - d. Era Alcaldia aurà de comunicar as pòrtavotzi des diferents grops municipaus, abantes deth Plen e as unics efèctes entà qu'en agen coneishement, es peticions d'intervencion que s'agen presentat.
 - e. Era persona sollicitant harà era sua intervencion dempús des intervencions des grops municipaus e poderà éster contestat per Alcalde o eth Còsso competent, sense que pogue auer-i dret ara replica.
1. Quan a conseqüència deth reconeishement des drets d'iniciativa ciutadana enes tèrmes previsti en article 5 d'aguest Reglament, eth Plen der Ajuntament tracte des ahèrs sus es que s'age articulat era iniciatiua, aguesta comportarà automaticament eth dret d'intervencion ena session plenària.
2. Un còp finalizada era session plenària, sigue ordinària o extraordinària, era Alcaldia establirà un torn de prècs e demanes entath public assistent sus ahèrs relacionadi damb er orde deth dia o d'auti d'interès generau.

Article 8. Dret ara consulta populara o referèndum

1. Toti es ciutadans inscrits en cens electorau an dret a éster consultadi dirèctament sus ahèrs deth sòn interès, atau coma promòir era consulta populara o referèndum, d'acòrd damb er article 70 bis dera Lei 7/1985, reguladora des bases deth regim locau.

2. Era consulta populara o referèndum non poderà consistir jamès en matèria tributària e s'aurà de referir a ahèrs dera competència municipau que siguen d'especial relevància entàs interèssi des vesins. Laguens d'ua madeisha consulta se pòt inclodir mès d'ua pregunta.
3. Entà acordar realizar-la calerà era majoria absoluta deth Plen municipau e hèr era tramitacion corresponent ath deuant dera Generalitat de Catalunya e organ competent der Estat espanhòu.
4. Non se poderà hèr, cada an, mès de dues consultes des indicades en aquest article e non se poderà reiterar ua madeisha consulta laguens deth madeish mandat.

Article 9. Dret a ua politica municipau de foment des associacions

1. Totes es persones an dret a qu'er Ajuntament impulse politiquas de foment des associacions per'mor d'enfortir eth hilat social deth pòble e entara promocion d'iniciatives que poguen éster d'interès generau, en tot respectar era libertat e era autonomia des entitats.
2. Er Ajuntament aufrirà era informacion e es esturments de colaboracion de besonh as persones que volguen enprèner un nau projècte associatiu. Egalament aufrirà supòrt entà un melhor foncionament des entitats e meterà ara sua dispausacion miejans materiaus e economics, ena mesura des sues possibilitats. Ad aquest efècte promoirà era signatura de convènis de colaboracion damb aqueres entitats que se caracterizen per ua major activitat social.

Article 10. Dret ar accès e ar usatge des tecnologies dera informacion e dera comunicacion

Er Ajuntament promoirà er accès as tecnologies dera informacion e dera comunicacion en tot afavorir, ena mesura des sues possibilitats e en marc dera cooperacion tecnica e economica damb autes administracions e operadors, era connexion as larèrs e en tot facilitar punts publics d'accès per miei der hilat d'equipaments e burèus municipaus.

Article 11. Dret d'amassada

Totes es persones e es entitats associatives an dret a hèr servir es locaus (designadi entad aquesta finauetat), es equipaments e es espacis publics municipaus entà exercir eth dret d'amassada sense mès condicionants qu'es derivats des caracteristiques der espaci, des ordenances municipaus, era disponibilitat e tanben deth compliment des requisits exigits quan se tracte d'amassades en lòcs de transit public o manifestacions, d'acòrd damb era Lei organica 9/1983 reguladora deth dret d'amassada.

Article 12. Promocion efectiva des drets de participacion

1. Er Ajuntament promoirà er exercici efectiu des drets de participacion que se regulen en aquest capítol, remonent es obstacles que n'impedísquen era plenitud.
2. D'acòrd damb aquest Reglament, es drets de participacion, tret eth de consulta populara o referèndum, se pòden exercir per quinsevolh persona qu'age un

interés legitim respècte des ahèrs qu'an a veir damb era activitat der Ajuntament.

3. En marc establít pes leis, er Ajuntament fomentarà er associacionisme des persones e des grops que se trapen en pitjor situacion d'interlocucion sociau e garantirà era participacion des persones immigrants.

CAPÍTOL II. ERA ORGANIZACION MUNICIPAL

Seccion prumèra. Sistèmes d'informacion e comunicacion

Article 13. Eth Serviçi d'atencion ciutadana

1. Ei concebut coma un escaler primari dera informacion municipal qu'aten es peticions e es consultes dera ciutadania des deth punt de vista presenciau, d'atencion telefonica o telematica. En aguest sentit se dotarà de mejans tecnologics, organizacion, coordinacion interna e formacion e reciclatge deth personau municipal avienti entà garantir ua resposta agil e eficaç ara ciutadania.
2. Eth Serviçi d'atencion ciutadana a era foncion de registre de peticions, queishes, suggeriments, iniciatiues e prepauses e tanben era realizacion des tramits administratius que se determinen.

Article 14. Era pagina web municipal e eth corrèu electronic ciutadan

1. Er Ajuntament mantiera a dispausacion dera ciutadania ua pagina web on se poderà informar des actuacions d'interès generau, des extractes des acòrds des diferents organs municipaus, dera agenda d'activitats mès relevants entath municipi, eca. Tanben informarà, damb eth màxim detalh possible, des projèctes d'importància entath municipi, damb garantia dera maxima transparéncia.
2. Aquesta pagina web permeterà hèr consultes e realizar tramits administratius per miei des procediments qu'en sòn moment s'acòrden, en tot facilitar es gestions dera poblacion damb era administracion locau.
3. S'impulsarà ena pagina web un espaci a on se poguen presentar idees, opinions, suggeriments, fòrums de debat sus ahèrs d'interès municipal e similars.
4. Se i harà constar eth maxim d'informacion des entitats e des associacions ciutadanes e se facilitarà ara poblacion eth coneishement der hilat associatiu locau.
5. En eth cas qu'era insuficiéncia de miei tecnics municipaus dificultèsse aguesta implantacion, er Ajuntament s'obligarà a sollicitar era assisténcia tecnica as administracions damb competéncies de supòrt esturmentau ad aguesti efèctes.
6. Toti es Còssos dispausaran de correu electronic entà poder atier dirèctament as ciutadans.

Article 15. Es mejans de comunicacion locals

1. Er Ajuntament potenciarà es mejans de comunicacion locaus e en promoirà er accés des ciutadans e des associacions.
2. Er Ajuntament promoirà e mantierà era edicion de publicacions escrites o digitaus per'mor de transméter era informacion ara ciutadania e facilitarà era més grana difusion per tot eth municipi.
3. Ena mesura dera sua capacitat economica e tecnica, er Ajuntament promoirà espacis entara ràdio e/o era television d'àmbit locau o d'auti mejans ath sòn abast, per'mor de facilitar era informacion dera vila, hèr debats e consultes as responsables politics respècte des qüestions de competéncia municipau e d'interès locau, includir es opinions des diferenti agents sociaus e hèr difusion des actes e des processis de participacion ciutadana que se produsisquen.
4. Er Ajuntament promoirà era creacion d'espacis en pòble entara installacion de cartelheres, taulèrs d'anoncis, panèus informatius, banderòles e d'auti analògs que, d'acòrd damb es ordenances municipaus reguladores d'aguesta activitat, poguen permete balhar publicitat des diferents convocatòries e des activitats d'interès locau que realizen eth mateish Ajuntament e es diferenti agents sociaus deth municipi.
5. A més a més des mejans nomentadi enes punts anteriors, er Ajuntament informarà ara poblacion dera sua gestion per miei dera edicion de huelhetons e bandos, era organizaciòn d'actes informatius, eca.

Article 16. Carta de servicis e guia de tramits

1. Er Ajuntament promoirà era realizacion d'ua carta de servicis en tot realizar es adequacions organizatiues necessàries entà auançar ena qualitat deth servici. Ne serà contengut essenciau er establiment de mejans entara evaluacion e eth seguiment des compromisi de servicis e facilitarà era participacion ciutadana enes processis d'avaluacion d'aguesti compromisi.
2. Er Ajuntament elaborarà e mantierà actualizada ua guida basica de tramits municipaus que se publicarà, juntament damb era carta de servicis, ena pagina web municipau e serà accessible a tota era ciutadania, per'mor de melhorar era informacion ciutadana e era realizació de quinsevolh actuacion administratiua.

Article 17. Ampliacion des tèrmes enes procediments administratius

Per'mor de facilitar er accés as expedients administratius e poder exercir eficaçment eth dret d'informacion e prepausa, se poderan ampliar es tèrmes previsti enes normes reguladores deth procediment administratiu per miei d'acòrd der organ competent en nomentat procediment.

Seccion dusau. Era audiéncia publica

Article 18. Era audiéncia publica

1. Ei era trobada, en ua data determinada, des responsables municipaus damb era ciutadania entà balhar informacion sus determinades activitats, actuacions o programes d'actuacion d'interès generau e recuélher prepauses des ciutadans.
 2. Era Alcaldia la convocarà damb ua antelacion minima de 15 dies abantes deth Plen qu'ac a d'aprovar e presidirà es sessions. Actuarà coma Secretari per'mor de lheuar acta des acòrd, s'ei de besonh, eth dera corporacion o persona en qui delegue.
 3. Se poderà convocar es còps que sigue de besonh ath long der an a iniciatiua municipau o a prepausa de:
 - a) un 1% des persones inscrites en cens municipau que siguen majors de setze ans.
 - b) un numerò d'associacions o grops no inferior ath 10% des inscrits en Registre municipau d'entitats.
 - c) eth Conselh dera Vila.
1. Eth foncionament des sessions serà eth següent:
 - a) Presentacion der ahèr a tractar per part des interessadi.
 - b) Intervencion e posicionament deth responsable politic municipau. Quan era convocatòria sigue d'ofici aguest serà eth prumèr punt.
 - c) Intervencion des persones assistents, auent en compde ua durada maxima aconselhable de dues ores dera session.
 - d) Replica deth responsable politic, s'ei eth cas.
 - e) Conclusions, se n'i a.
1. Er àmbit dera convocatòria, e en conseqüència dera iniciatiua entà convocar-la, poderà referir-se a un barri/vesinat o conjunt de barris/vesinats. En aguest cas era capacitat entà hèr era convocatòria s'aurà de considerar respècte der àmbit territoriau concret.

Seccion tresau. Eth Registre municipau d'entitat

Article 19. Eth Registre municipau d'entitats

1. Ei eth registre a on s'inscriuen es associacions, es grops estables e es fondacions qu'agen eth sòn àmbit d'actuacions principau en municipi. S'enten per grop estable era agropacion de mès de tres persones que se comprometen a méter en comun recorsi economic e/o personaus, sense ànim de lucre, damb er objectiu d'arténher ua determinada finauetat d'interès generau sense auer estat inscrita en Registre d'associacions dera Generalitat o deth Ministerio del Interior o quinsevolh aute de foncions similars.
2. Eth Registre a caractèr public e pòt éster consultat per quinsevolh persona interessada. S'entén coma un organ dinamic que tracte de conéisher era realitat associatiua dera vila e analitzar e estudiar es variacions en hilat associatiu per'mor de dar a conéisher aguesta informacion ar Ajuntament e as entitats e afavorir ua eficaç politica de foment e melhora dera activitat associativa.

3. Eth Registre a de perméter conéisher era mission o er objèctiu principau dera entitat per'mor de hèr ua efectiva activitat classificatòria.
4. Era inscripcion en Registre serà immediata a compdar deth moment en que se presente un escrit en tot sollicità'c, aportant en cas d'associacions e fondacions es estatuts inscrits en Registre d'associacions o fondacions dera Generalitat de Catalunya o quinsevolh aute registre public d'analòg significat. En cas de grups estables n'i aurà pro damb era manifestacion de voluntat signada per totes es persones constituents a on se declare quina ei era finautat principau dera sua aucupacion.
5. Er Ajuntament classificarà era entitat o tot eth grop en ua des tipologies existents e ac notificarà ar interessat entà qu'allegue tot çò que considèrè convenient. Se'n un tèrme de quinze dies des dera notificacion non a presentat cap tipe d'allegacion, s'entenerà acceptada era classificacion realizada.
6. Se'n moment de hèr aguesta classificacion se detectèsse que manque bèth requisit essenciau entara inscripcion, se comunicarà ara persona interessada per'mor qu'en tèrme de 15 dies pogue esmendar eth defècte e se darà per desistit en suposat que non ac hèsque en aquest tèrme.
7. Er Ajuntament darà de baisha, d'ofici, aqueres associacions, fondacions o grups que siguen inactives, o que pera sua conducta provòquen dificultats en desenvolupament dera participacion en marc deth present reglament, comunicarà aguesta situacion ar interessat, qui poderà formalizar allegacions en un tèrme non superior a 15 dies, e procedirà immediatament ara baisha en suposat que non se presente cap tipe d'allegacion.

Seccion quatau. Sistèma de defensa e proteccion des drets ciutadans

Article 20. Sistèma de defensa des drets de participacion ciutadana

1. En marc des competències deth govèrn locau, es drets reconeishudi ena Constitucion, en Estatut e enes leis, e en aquest Reglament, seràn objècte d'especial proteccion per part der Ajuntament, qu'exigirà es responsabilitats corresponents ath personau e as autoritats municipaus que non les respeten o que violen er exercici.
2. Eth Serviç d'atencion ciutadana o era unitat que'n hèsque es foncions, era arremassada de queishes e reclamacions, era Comission especial prevista en article 132 dera Lei 7/1985, de 2 d'abriu, quan sigue eth cas, era possibilitat de reünir-se damb es responsables tecnicos e politics tanhent a ahèrs dera sua competència e era Sindicatura municipau de grèuges, s'ei eth cas, son es peces que conformen aquest sistèma de defensa e proteccion des drets, sense perjudici des recorsi administratius o jurisdiccionalaus pertinents.
3. Er Ajuntament regularà, d'acòrd damb era lei, eth foncionament d'aquesti organs, unitats o instruments nuclears deth sistèma de defensa dera ciutadania en municipi.

CAPÍTOL III. ORGANS DE PARTICIPACION

Article 21. Caràcter des organs de participacion

1. Toti es organs de participacion, an un caràcter consultatiu, d'informe preceptiu, de formulacion de prepauses e suggeriments, d'acòrd e damb çò previst ar article 69 dera Lei 7/1985, de 15 d'abriu, reguladora des bases de regim locau, e er article 154.2 deth Decrèt legislatiu 2/2003, de 28 d'abriu, deth tèxte rehonut dera lei municipau e de regim locau de Catalunya.
2. Era creacion aurà d'aprovar-se peth Plen damb eth quòrum dera majoria absoluta.

Seccion prumèra. Eth Conselh dera Vila

Article 22. Definicion

1. Eth Conselh dera Vila ei er organ mès ampli de participacion e consulta municipau des tèmes globaus e d'especiau transcendéncia tath municipi.
2. A caràcter consultiu, d'informe preceptiu e de formulacion de prepauses e suggeriment d'acòrd damb era normatiua vigent.
3. Era sua creacion s'a d'acordar peth Plen damb eth quòrum de majoria absoluta.
4. Es objèctius deth Conselh dera Vila son:
 - Estimular e canalizar era participacion ciutadana.
 - Implicar as diuèrsi agents presenti en municipi enes ahèrs collectius.

Article 23. Foncions

- a. Conéisher e debàter es plans d'actuacion generau e es prepauses der equip de govèrn.
- b. Canalizar es queishes e suggeriments dera ciutadania ar Ajuntament.
- c. Conéisher e debàter era planificacion estrategica deth municipi a cuert e miei tèrme.
- d. Emete informes e premanir estudis e prepauses sollicitades per Ajuntament.
- e. Conéisher eth pressupòst municipau e es resultats dera sua execucion.
- f. Assessorar ath govèrn municipau.
- g. Prepausar era realizacion d'audiéncias publiques.
- h. Prepausar era realizacion des estudis sus es tèmes d'interès entath municipi e eth debat des sòns resultats.
- i. D'autes que li siguin assignades peth Plen Municipau.

ORGANS E COMPAUSACION

Article 24. Organs deth Conselh

Son organs deth Conselh era presidéncia, era vicepresidéncia e eth plenari.
Se poderan crear comissions de treball qu'en sòn cas seràn coordinades peth plenari.

Article 25. Era Presidència

Correspon ara persona qu'ostente era Alcaldia e aurà es atribucions següentes:

- a. Representar ath Conselh.
- b. Fixar era orde deth dia, convocar, presidir, suspener e lheuar es sessions.
- c. Autorizar era assistència d'aquères persones o representants d'entitats o autes institucions que poguen aportar es sòns coneishements o assessorament enes ahèrs a tractar.
- d. Velhar pera execucion des acòrds adoptadi peth Plenari.
- e. Hèr arribar es informes e es prepauses deth Conselh a qui correspongue.
- f. Totes aqueres atribucions que li siguin delegades peth Plenari.

Article 26. Era vicepresidència

Serà aucupada per un/ua còsso nomenat/da per Alcalde, en tot tièr en compde eth regim de delegacions existents en matèria de ciutadania e participacion ciutadana, e aurà d'assistir ara presidència en eth exercici deth sòn cargue e aqueres foncions que li siguen encomanades pera presidència e/o eth Plenari, atau coma substituir-la en cas d'absència, malautia o quinsevolh auta rason justificada.

Article 27. Eth plenari deth Conselh

1. Ei er organ de maxima representacion e poderà celebrar sessions de caractèr ordinari o extraordinari.
2. Ath delà des atribucions establides en Article 23, seràn foncions deth Plenari:
 - a. Demanar informacion e documentacion des matèries qu'afècten ath Conselh.
 - b. Eméter informes prealables, non vinculants, en totes aqueres qüestions de competència municipau qu'afècten ath futur deth municipi.
 - c. Determinar era creacion, es objectius e es foncions des comissions de treball e des organs complementàris d'estudi que se poguen constituir entar analisi de tèmes concrets.
 - d. Quinsevolh auta foncion de natura similar que li atribuisque eth Plen der Ajuntament.

Article 28. Composicion deth Plenari

Eth plenari ei format pes membres següents:

- a. Era presidència.
- b. Era vicepresidència.
- c. Coordinador/a.
- d. Ua persona designada, que non sigue càrrec elècte, per cadun des grups municipaus damb presència en consistòri.
- e. Ua o dues persones representants de cadun des diuèrsi sectors e airaus culturaus, sociaus e economics deth municipi.
- f. Persones representants dera ciutadania deth municipi, ueit (8),

que, a títol individuau, mòstren eth sòn interès en participar en Conselh dera Vila en tot hèr arribar era sua sollicitud per escrit ar Ajuntament de Vielha e Mijaran argumentant eth sòn interès a trauèrs d'un modèl qu'er Ajuntament met ara sua disposicion.

- g. Poderan assistir as assembledes damb votz mès sense vòt, quinsevolha persona o personau tecnic convocat per alcalde e tanben representants des administracions publiques damb competéncia en àmbit municipau

Era edat minima entà entrar a formar part deth Conselh dera Vila ei de 16 ans.

Actuarà coma secretari per'mor de lheuar acta des acòrds, s'ei de besonh, eth dera Corporacion o persona en qui delegue.

Article 29. Designacion de membres deth Plenari

1. Segontes s'a expausat en article 28, es persones prepausades coma membres deth Conselh:

- a. Es corresponentes as apartats b) e c) seràn designades pera Alcaldia.
- b. Es corresponentes ar apartat d) seràn designades pes grops municipaus.
- c. Es corresponentes ar apartat e) seràn prepausades pera Alcaldia e nomenades peth Plen dera Corporacion.
- d. Es corresponentes ar apartat f) seràn escuelhudes per sorteig, tostemp qu'eth numerò de persones interessades sigue superior a 8. Quan eth numerò d'interessadi sigue inferior a 8 aquestes entraràn a formar part deth Conselh de forma dirècta.

2. Eth plenari serà ratificat peth Plen der Ajuntament de Vielha e Mijaran. Era vigéncia deth nomenament coma membre deth Plenari serà de 3 ans.

Article 30. Pèrda dera condicion de membre deth Plenari e substitucions

Es membres deth plenari perderàn era sua condicion enes suposats següents:

- a. Per expiracion deth temps de vigéncia deth nomenament.
- b. Per renóncia.
- c. Per incòrrer en quinsevolh tipe de delictes.
- d. Per impossibilitat d'assistir as assembledes de forma contunhada.
- e. Per defuncion.
- f. Per baisha deth padron municipau d'abitants de Vielha e Mijaran.

Article 31. Amassades deth Plenari

Sense perjudici de çò que establís eth següent article, eth plenari deth Conselh dera Vila aurà de amassar-se cada mandat, dempús des eleccions municipaus.

ORGANIZACIÓN E FONCIONAMENT

Article 32. Periodicitat des sessions

Eth Conselh dera Vila s'amassarà de forma ordinària quate còps ar an, cada tres mesi. Tanben se poderà amassar a iniciatiua dera presidéncia, quan atau ac creigue convenient, o a prepausa escrita e rasonada d'un terç des membres.

Article 33. Convocatòries

1. Es convocatòries s'anonciaran a tèrme damb 15 dies naturaus de marge respècte dera celebracion dera session, a trauèrs de corrèu electronic.
2. Es convocatòries extraordinàries qu'ac siguen a instància d'un terç des persones membres s'auràn de portar a tèrme en un tèrme maxim de 30 dies des dera demana.

Article 34. Regim des sessions

1. Es sessions deth plenari seràn publiques e quinsevolh ciutadà/ana i poderà assistir sense votz ne vòt.
2. En cas d'auer-se de sotmèter ahèrs a votacion, es acòrds s'adoptaràn per majoria simpla des vòts des membres presenti. Era presidéncia compdarà coma vòt de qualitat en cas d'empat.

Seccion dusau. Eth Conselh d'Elèctes

Article 35. Eth Conselh d' Elèctes.

1. Ei un Conselh sectoriau damb caracteristiques singulars auent en compde era composicion principau des sòns membres. A era foncion principau d'incorporar eth coneishement, era experiéncia e es inquietuds d'aqueres persones qu'an desenvolupat prètzhèts de responsabilitat en nòste Ajuntament, en tot enriquir d'aguesta forma es debats respècte de quinsevolh actuacion municipau e en tot éster informats e opinar sus aqueres que d'outes administracions publiques realizen en nòste municipi.
2. Seràn membres de plen dret d'aguest Conselh es Alcaldes/esses e es Còssos qu'an format part deth nòstre consistòri des des prumèras eleccions democraticas.
3. Er Ajuntament, en acòrd de creacion d'aguest organ, poderà regular-ne

era organizacion e eth foncionament.

Seccion tresau. Es Conselhs sectoriaus

Article 36. Es Conselhs sectoriaus

1. Es Conselhs sectoriaus són es organs de participacion que canalizen es iniciatiues e es inquietuds ciutadanes enes ahèrs concrets d'interès entath pòble, coma pòden éster: era escòla, era cultura, er espòrt, eth miei ambient, era joenessa, era gent grana, es persones damb discapacitats, era cooperacion e era solidaritat e d'aites de similars.
2. Er Ajuntament crearà es Conselhs sectoriaus que creigue de besonh, en foncion dera demana social e prealable acòrd deth Conselh dera Vila.

Article 37. Composacion e foncionament

1. Seràn presididi per Alcalde o Còsso en qui delegue e era Vicepresidència aurà de requèir en quinsevolh des membres deth Conselh que non formen part dera Corporacion.
2. Eth foncionament des sessions e es convocatòries seràn acordades peth Conselh dera Vila e aprovades peth Plen municipau.

CAPÍTOL IV. Foment des metodologies participatiues

Article 38. Definicion de procès participatiu

As efèctes d'aguest Reglament s'entén per procès participatiu aqueth que de manera integrau contemple es fases següentes:

- a. Fasa d'informacion, mejançant era quau se tracte de difoner ath conjunt dera ciutadania afectada era matèria o eth projècte sus eth quau se vò demanar era participacion, hèn a servir es mejants avientis.
- b. Fasa de debat ciutadan, mejançant era quau e en tot utilizar es metodologies adequades se promò eth diagnostic, eth debat e es prepauses ara ciutadania.
- c. Fasa de retorn, mejançant era quau se da traslat as persones participants e ath conjunt dera ciutadania deth resultat deth procès.

Article 39. Utilizacion de metodologies participatiues

Er Ajuntament elaborarà estratègies e metòdes de treball que meten en relacion politics, tecnicos, entitats e ciutadans per'mor de bastir de forma compartida es politiques a aplicar en municipi. Eth programa d'actuacion municipau preveirà cada an, a prepausa der Alcalde o deth Conselh dera Vila quini projèctes s'impulsaràn mejançant aquestes metodologies e se recuelheràn es experiències cada an en ua memòria d'avaloracion d'aguesti procèssi.

DISPAUSACIONS ADDICIONAUS

PRUMÈRA

Er Alcalde prepausará ath Plen Municipau era creacion deth Còsso de Participacion Ciutadana que poderà compartir era sua accion damb auti airaus de responsabilitat.

DUSAU

Er Ajuntament editarà un document entà divulgar aquest Reglament, hènt ussatge d'un lenguatge eth maxim d'entenedor e simple, per'mor qu'era gen pogue conéisher e exercir es drets ciutadans de participacion.

TRESAU

Er Ajuntament desenvolopará de forma immediata aquest Reglament e damb aquesta finalitat elaborarà eth Plan locau de participacion ciutadana, qu'aurà com principau objectiu melhorar era organizacion municipau e hèr-la mès permeable as iniciatiues ciutadanes, favorirà era estructuracion e era consolidacion deth teixit associatiu e er interès dera ciutadania a interviér ena melhora deth pòble.

QUATAU

Era aparicion de nauí modèus, experiéncias o sistèmes que favorisquen era participacion ciutadana enes accions deth govèrn locau poderàn éster incorporats, a prepausa deth Conselh dera Vila ciutadana, per Alcalde, exceptat que supausen modificacions d'aquest Reglament, qu'alavetz aurién d'aprovar-se peth Plen dera Corporacion.

CINCAU

Er Ajuntament, en moment de crear eth Registre municipau d'entitats, inscriuerà d'ofici totes aqueres entitats locals des quaus age constància, les classificarà en basa ad aquerò establít enes sòns estatuts e ac notificarà as interessadi entà que poguen allegar çò que creiguen de besonh.

SIESAU

En cas que non s'elabòre eth reglament o es reglaments entà regular eth foncionament des sessions e es convocatòries deth Conselh dera Vila e des Conselhs d'Elèctes e sectoriaus, serà d'aplicacion era normatiua que regule eth foncionament e es convocatòries des organs de govèrn locau.

SETEU

Er Ajuntament presentarà damb caràcter annau un calendari d'amassades des diferenti organs de participacion que contemple aquest Reglament. Dit calendari s'integrarà en ua prepausa d'amassades des diferenti organs municipaus.

UEITAU

Er Ajuntament crearà un còp aprovat eth present reglament eth Servici d'Atencion Ciutadana en tot determinar eth pròpi Ajuntament es sues foncions e/o objectius.

DISPAUSACIONS TRANSITÒRIES

PRUMÈRA

Er Ajuntament de Vielha e Mijaran aurà tres ans entà implantar e executar progressiuament eth present reglament. Maugrat tot, eth Conselh dera Vila, s'aurà de crear obligatòriament laguens des prumèrs cent dies a compdar deth dia dempús ath dera publicacion deth present reglament.

DISPAUSACION FINAU

Eth present Reglament derògue er anterior publicat en DOGC num. 6662 deth dia 11 de junhsèga de 2014, e entrarà en vigor cossent damb çò que estabíis er article 70.2 dera Lei 7/1985, de 2 d'abriu, reguladora des Bases de regim locau.

DILIGIÉNCIA

Coma que non s'an presentat reclamacion pendent eth tèrme d'expausacion ath públic d'aguest Reglament, aprovat provisionaument peth Plen en session de data 22 d'agost de 2018, quedèc aprovat definitivament, e se publicquèc íntegrament en Butletín Oficiau dera Província de Lleida num. 204 de data 22 d'octobre de 2018 e eu resenha en DOGC num. 7738 de data 31 d'octobre de 2018, e entrarà en vigor as quinze dies dera sua publicacion, **eth 13 de noveme de 2018**, cossent damb es articles 65.2 e 70.2 deraa Lei 7/1985, de 2 d'abriu, reguladora des bases deth règim locau, e serà vigent enquia'ra sua modificacion o derogacion expressa.

La Secretària – Document signat digitalment.